



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶՊԵՏ

ՈՐՈՇՈՒՄ

03 հուլիսի 2026 թվականի թիվ 135-Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶՈՒՄ ՑՈՒՑԱԴՐԱԿԱՆ ՀԱՏՈՒԿ  
ՏԱԿՏԻԿԱԿԱՆ ՈՒՍՈՒՄՆԱՎԱՐԺՈՒԹՅԱՆ ՆԱԽԱՊԱՏՐԱՍՏՄԱՆ ԵՎ ԱՆՑԿԱՑՄԱՆ  
ՄԱՍԻՆ

Ղեկավարվելով Հայաստանի Հանրապետության կառավարության 2015 թվականի հունվարի 22-ի «Արտակարգ իրավիճակներում բնակչության պաշտպանության և քաղաքացիական պաշտպանության ոլորտներում Հայաստանի Հանրապետության պետական կառավարման և տեղական ինքնակառավարման մարմինների ու կազմակերպությունների պատրաստման և տվյալ ոլորտների հիմնահարցերով բնակչության ուսուցման կարգն ու ծրագիրը սահմանելու Հայաստանի Հանրապետության կառավարության 2003 թվականի հունվարի 30-ի թիվ 134 որոշումն ուժը կորցրած ճանաչելու մասին» թիվ 46-Ն որոշումով և հիմք ընդունելով «Հայաստանի Հանրապետության Տավուշի մարզի բնակչության պաշտպանության համակարգի նախապատրաստման 2026 թվականի հիմնական միջոցառումների պլանի» 8.3.1 կետը՝

ՈՐՈՇՈՒՄ ԵՄ

1. Իմ ղեկավարությամբ Հայաստանի Հանրապետության Տավուշի մարզի Դիլիջան համայնքում 2026 թվականի հուլիսի 31-ին անցկացնել ցուցադրական հատուկ տակտիկական ուսումնավարություն (այսուհետ՝ ուսումնավարություն) «Որոնողափրկարարական աշխատանքների կազմակերպումը փլուզված շենքերում» թեմայով:

2. Ուսումնավարությանը ընդգրկել՝

1) Հայաստանի Հանրապետության ներքին գործերի նախարարության փրկարար ծառայության Տավուշի մարզային փրկարարական վարչության Դիլիջանի հրշեջ-փրկարարական ջոկատին.

2) Հայաստանի Հանրապետության ոստիկանության համայնքային ոստիկանության գլխավոր վարչության Դիլիջանի բաժնից 1 խումբ, Հայաստանի Հանրապետության ներքին գործերի նախարարության ոստիկանության պարեկային ծառայության Տավուշի մարզի գումարտակի 2-րդ վաշտի 3-րդ դասակից 1 խումբ.

3) «Հայաստանի էլեկտրական ցանցեր» ՓԲԸ «Աղստև» մասնաճյուղի Դիլիջանի տեղամասի վթարավերականգնողական խմբին.

4) «Գազպրոմ Արմենիա» փակ բաժնետիրական ընկերության Տավուշի գազաֆիկացման և գազամատակարարման մասնաճյուղի Դիլիջանի մասնաճյուղի վթարավերականգնողական խմբին.

5) «Իո-Վինգ» սահմանափակ պատասխանատվությամբ ընկերության շտապօգնության խմբին:

3. Ուսումնավարժության ղեկավարման շտաբի պետ, փրկարարական ծառայության գնդապետ Հայկ Սաղաթեյանին՝

1) կազմակերպել ուսումնավարժության պլանավորող փաստաթղթերի ժամանակին մշակումը և հաստատումը համաձայն ուսումնավարժության նախապատրաստման օրացույցային պլանի.

2) կազմակերպել ուսումնավարժության մասնակիցների նախապատրաստումը համաձայն ուսումնավարժության նախապատրաստման օրացույցային պլանի.

3) կազմակերպել համագործակցությունը ուսումնավարժությանը ներգրավված ուժերի միջև ուսումնավարժության նախապատրաստման հարցերով.

4) ուսումնավարժության անցկացմանը պատրաստ լինելու մասին զեկուցել 2026 թվականի հուլիսի 28-ին.

5) ուսումնավարժության անցկացումից հետո 5-օրյա ժամկետում ներկայացնել ուսումնավարժության անցկացման մասին ամփոփագիրը:

4. Ուսումնավարժության ղեկավարման շտաբի գործնական միջոցառումների խմբի ղեկավար, փրկարարական ծառայության գնդապետ Կորյուն Փիրումյանին՝

1) կազմակերպել գործնական միջոցառումների տեղամասերի նախապատրաստումը՝ համագործակցելով արձագանքող ուժերի ղեկավար կազմի հետ.

2) հսկողություն իրականացնել՝ գործնական միջոցառումների իրականացման ընթացքում մասնակիցների կողմից անվտանգության կանոնների պահպանման նկատմամբ.

3) գործնական միջոցառումների իրականացման ընթացքում անվտանգության տեխնիկայի կանոնների խախտման դեպքում անհապաղ դադարեցնել իրականացվող գործողությունները և միջոցներ ձեռնարկել դրանց վերացման ուղղությամբ:

5. Ուսումնավարժության մասնակիցներին՝

1) ճշգրտել համապատասխան պլանները.

2) պատրաստ վիճակի բերել ուժերն ու միջոցները, համալրել ստորաբաժանումները հաշվեցուցակային գույքով.

3) ուսումնավարժության նախապատրաստման հարցերով համագործակցել ուսումնավարժության ղեկավարման շտաբի հետ.

4) պատրաստ լինել զեկուցելու ուսումնավարժության ընթացքում կատարած միջոցառումների մասին.

5) գործնական միջոցառումներ իրականացնելիս խստագույնս պահպանել անվտանգության կանոնները:

6. Սույն որոշումը տրամադրել ուսումնավարժության մասնակիցներին:

7. Սույն որոշման կատարման հսկողությունը վերապահում եմ ինձ:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՏԱՎՈՒՇԻ ՄԱՐԶՊԵՏ



ՀԱՅԿ ՂԱԼՈՒՄՅԱՆ